



Physick and Physician
COLLEGII MEDICORUM

Londinensium Fundatores & Benefactores.



HENRICUS OCTAVUS REX Anno regni decimo Diplomate suo Collegium Medicorum *Londinensium* primum fundavit, & multis donavit privilegiis. Postea Anno *xiv* Regni Parliamenti consensu ipsum Diploma confirmatum fuit, additis etiam pluribus immunitatibus.

CARDINALIS WOLSEUS Archiepiscopus *Eboracensis*, & supremus *Angliæ* Cancellarius apud Regem *Henr. viii* diligenter intercessit ad Collegium primum fundandum.

THOMAS LINACRUS Regis *Henr. viii* Medicus ordinarius, utilissimam apud Regem operam navavit ad Col. primum fundandum, & illius Diploma impetrandum. Is etiam circa Annum 1524. dedit Col. in perpetuum Domum sive locum Comitiorum, & Bibliothecæ in vico vocato *Knight-riding-street*.

MARIA REGINA Anno Regni primo idem Diploma cum omnibus eiusdem Privilegiis, aliis etiam superadditis (quod per *labefactum*) cum *parlamentari* consensu, restituit & confirmavit.

ELIZABETHA REGINA Anno Regni septimo Collegio concessit in perpetuum licentiam accipiendi cadavera pro Anatomicis administrationibus, idq; sub magno *Angliæ* Sigillo, simul & facta testæ omnia Collegii Privilegia voluit.

Joannes Lumleius Baro
simul cum

RICHARDO CALDWELLO Doctore Medico, Coll. socio, circum Annum 1582. mutuis sumptibus fundarunt prælectionem Chirurgicam & Anatomicam; dono 40 librarum annuatim, & in perpetuum collato in Prælectorem.

JACOBUS REX novo suo Diplomate sub magno Sigillo *Angliæ* Collegii privilegia confirmavit, & multum auxit.

Gulielmus Gilbertus Elizabethæ Reginae Medicus ordinarius plures libros legavit Coll. cum globis terrestri & cœlesti, unâ cum instrumentis aliquot Mathematicis, & Mineralibus pluribus pyxidulis inclusis, Anno *Jacobi* Regis primo.

DOMINA ARABELLA *Stewartæ*, &

Maria Comitissa *Salopiensis* suâsuo Doctoris *Moundesfordi* liberales sumptus fecerunt 400 librarum, ad coemendas ædes Coll. in *Pater noster-row*, Dono etiam dederunt Coll. stratum mensale oblongum, & strata fenestralia cum pulvinaribus circa Annum 1629.

CAROLUS REX multis nominibus Collegio indulgit, & paratissimum se ostendit ad horti Medici plantationem & Theatri Anatomici extructionem.

Matthias Holsbosch Germanus in Medicinis Doctor Bibliothecam medicam insignium librorum ad numerum 680. dedit Coll. Annis 1628. & 1629.

Dominus *Henricus Atkins* Eques Auratus filius Doctoris *Atkins* Medici Regis Honorarii, in memoriam patris defuncti dono dedit Coll. Med. Lond. 100 libras 1634.

THEODORUS GULSTON Medicinæ Doctor & socius hujus Coll. fundavit prælectionem Anatomico-medicam dono 12 librarum annuatim & in perpetuum collato in Prælectorem & Bedellum Anno Domini 1637.

ALEXANDER READE Med. Dr. Collegii hujus socius Theatro Anatomico adornando 100 libras novissimâ voluntate contulit 1641.

SIMEON FOX octies Præses hujus Coll. ejusdem censum morte sua præter cætera 100 libris auxit.

OTTWELLUS MEVERELL Med. Dr. hujusq; Communitatis socius & sæpius Præses fidei de perpetuando Coll. honore ac emolumentis in ipsa morte memor 40 librarum legatione ejus auxit ærarium 1648.

BALDUINUS HAMER Med. Dr. & socius Domum, hortumq; Coll. diris temporibus sub hasta positos redemit 1649, & Collegis suis in perpetuum donavit Anno 1651. ut Redemptio & Donatio pares essent opportunitate, hinc enim sequenti anno inchoata est munificentissima structura totius Orbis nostriq; Decoris æterni *Harvæi* in cuius rei memoriam vovit dedicavitq; Coll. Med. *Lond.* monumentum cum hac epigraphe.



Ο ΔΕ ΚΑΙΡΟΣ ΉΘΕΥΣ.

Balduino Hamæo Med. Doctori, Balduini (in Mostorum Aulâ Juvenili ætate Archiatræ) filio, Socio suo, ac ante Annos aliquot opportuno imprimis Benefactori hoc Marmor (illius animo oblata statua acceptius) Dedicat. Societas An. MDCLVIII.

Unicornu elegantissimo pendente uncias Trojanas septuaginta unam unamq; in super drachmam; Quodq; pedes quinq; longum unciasq; quatuor, quatuorq; pedes supra tres uncias, cavum; ab ipsius basi semipedali perimetro striatâ forma spiræ instar in directissimum mucronem sensim gracilescit, anno primo desideratissimi re-ditus CAROLI SECUNDI Harveanum Musæum locupletavit Collegii nostri studiofissimus socius. Balduinus Hamæus.

In Tabula ad dextram statua Harveana.

Gulielmus Harveus:

Anglus natus; Gallia, Italia, Germania hospes,
ubiq; Amor, & Desiderium.

Quam omnis terra expetisset Civem.

Mæd. Dr. Coll. Med. Lond. Socius & Consiliarius

Anatomes, Chirurgiaq; professor.

Regis Jacobi familie, Caroloq; Regi Medicus,

Gestis, omissisq; honoribus Clarus;

Quorum alios tulit, oblatos requirit alios

Omnes meruit;

Laudatis Præscorum ingenis par

Quos honoravit maxime Imitando,

Docuitq; Posteris Exemplo.

Nullius laceffit famam, Veritati studens, magis quam Gloriæ,

Hanc tamen Adeptus.

Industria, Sagacitate, Suave su nobilis,

Perpetuos Sanguinis æstus circulari gyro

Fugientis, seque sequentis

Primus promulgavit mundo;

Nec passus ultra mortales se ignorare Primordia,

Aureum edidit de Ovo atq; Pullo librum,

Alba Gallina Filium:

*Sic novis inventis Apollineam ampliavit Artem
Atq; nostrum Apollinis Sacrum Augustius esse
Tandem voluit.*

*Suasum enim & cura D. D. Drr. Franc. Prujeani Præsidis
Et*

Edmundi Smithi Electoris

An. MDCLIII

*Senaculum, & de nomine suo Musæum horto superstruxit,
Quorum alterum plurimis Libris & instrumentis Chirurgicis,
Alterum omnigena Suppellectili ornavit ac instruxit.*

Medicina Patronus simul & Alumnus:

Non hic anhela substitit Herois virtus, impatiens vinci,

Accessit porro Munificentia Decus,

Suasum enim & consilio Dni. Drr. Edw. Allstoni Præsidis

An. MDCLVI

Rem nostram Angustam prius, Annuo LVI li. Reditu

Auxit;

Paterui Fundi ex Asse Hæredem Collegium dicens,

Quo nihil illi charius, Nobisque honestius;

Unde Ædificium Sartum Tectum perennare,

Unde Bibliothecario Honorarium suum suumq; Oratori

Quotannis pendit,

Unde omnibus sociis Annuum suum Convivium

*Et suum deniq; (quot menses Conviviolum Censoribus parari
iussit)*

Ipse etiam pleno Theatro Gestiens se Hereditate exuere

In manus Præsidis Syngrapham tradidit,

Interfuitq; Orationi Veterum Benefactorum novorumq; Illicio

Et Philotesio Epulo:

Illius Auspiciis & pars maxima,

Hæc Conviva simul & Convivator.

Sic, postquam satis Sibi, satis Nobis, satis Gloriae

(Amicis solum non satis, nec satis Patriæ) vixerat,

Cœlicolũ Atria subiit

Fun. III M. DC. LVII.

Quem pigebat Superis reddere, sed pudebat negare:

Nè mireris igitur Lector,

Si, quem Marmoreum illic stare vides,

Hic totam implevit Tabulam.

Abi & merere Alteram.

Ad basin statuae

Gulielmo Harveo

Viro

Monumentis suis immortalis

Hoc insuper

Coll. Med. Lond.

Posuit

Qui enim Sanguinis motum

(ut & Animal. ortum) dedit

Meruit esse

STATOR PERPETUUS.

*HENRICUS MARCHIO Dorcestrensis, cujus insignis peritia & indefessa studia
in utroq; jure tam Municipali quam Civili, in Mathematicis, Medicina & ad ipsam
spectantibus Chymicis Anatomicisque Artibus cum illustribus titulis de victoria cer-*
tant,

tant, centum libris in libros emendos erogandis Musæum Harveanum primus magnificeq; cohonestavit 1654.

EDOARDUS BISH Eques Auratus & Clarencieux Goltzii operibus vol. 5. & Up-
tono de studio militari a seipso edito aliisque libris Musæum Harveanum ditavit. 1654.

RICHARDUS NAPIER Eques Auratus & Medicinæ Dr. Arist. Commentarios
Græcos Coll. donavit 1655.

JOANNES SELDENUS IC quem posteris, cui pristina debitori sunt, semper
loquentur, Manuscripta Arabica in Medicinâ quæ collegerat omnia, Musæo Harvæ-
ano moriturus dedit & donavit 1665.

ELIAS ASHMOLE regię majestati a Cimeliis libris rarioribus (plura polli-
citus) Bibliothecam Collegii adauxit. 1655.

CAROLUS SECUNDUS anno post reditum suum sælicissimum secundo, Colle-
gii privilegia firmavit, aliaq; insuper addidit ut Ars Medicinæ penè pessundata, ab
Agyrtis facta recta conservaretur, idq; sub magno Angliæ Sigillo. 1662.

